



VENDIMI ËSHTË I PLOTËFUNDIT
ODLUKA JE PRËVNUENDE
GJYKATA THEMELORE / OSNUTNI SUD
FERIZAJ / UROSEVAC

Me
Data

39-97/2018

REPUBLIKA E KOSOVËS
REPUBLIKA KOSOVA – REPUBLIC OF KOSOVO

GJYKATA THEMELORE FERIZAJ

Numri i lëndës: 2018:007647

Datë: 08.05.2018

Numri i dokumentit: 00037251

P.nr.399/18

NË EMËR TË POPULLIT

GJYKATA THEMELORE NË FERIZAJ-Departamenti i përgjithshëm, Divizioni Penal gjyqtarja individuale Hakile Ilazi, me zyrtaren ligjore Ganimete Avdiu, në lëndën penale kundër të akuzuarit [REDACTED], i akuzuar sipas Prokurorisë Themelore në Ferizaj PP/II.nr.460-3/18 të datës 14.03.2018, për veprën penale rrezikim i trafikut publik nga neni 378 par. 6 lidhur me par. 1 të KPRK-së, duke vendosur lidhur me kërkesën e Prokurorisë Themelore në Ferizaj, PP/II.nr.460-3/18 të datës 14.03.2018, për dhënien e urdhrit ndëshkimor dënim me gjobë, gjykata me dt. 08.05.2018 mori këtë:

A K T G J Y K I M

PRANOHET, kërkesa e Prokurorisë Themelore në Ferizaj PP/II.nr.460-3/18 të datës 14.03.2018, dhe kjo gjykatë jep këtë:

URDHËR NDËSHKIMOR

I akuzuari [REDAKTUAR], i lindur më [REDAKTUAR] nga i ati [REDAKTUAR] dhe e ëma [REDAKTUAR] e gjinisë [REDAKTUAR], me vendbanim në [REDAKTUAR] rr. [REDAKTUAR] nr. [REDAKTUAR], me nr. personal [REDAKTUAR], ka të kryer shkollën e mesme, me profesion vozitës, shqiptar, shtetas i Republikës së Kosovës.

ËSHTË FAJTORE

Me datën 17.01.2018, rreth orës 11:30, në fshatin Muzeqinë Komuna Shtime, i akuzuari duke drejtuar automjetin e tipit "VW Caddy", ngjyrë e bardhë, me targa të regjistrimit [REDAKTUAR] nga pakujdesia ka vënë në rrezik jetën e njerëzve në atë mënyrë që duke vepruar në kundërshtim me dispozitat e nenit 41 par. 1 të Ligjit mbi Trafikun Publik, merr veprimin e kycjes në rrugën kryesore nga parkingu i shitores [REDAKTUAR], pa u bindur mirë se mund të bëjë një gjë të tillë pa i penguar pjesëmarrësit e tjerë në komunikacion, ku për pasojë goditet me pjesën e përparme në mesin e automjetit në anën e majtë nga automjeti i tipit "Audi 80", ngjyrë e kuqe, me targa të regjistrimit [REDAKTUAR], të cilin e drejtonte [REDAKTUAR], i cili ishte duke lëvizur nga fshati Davidovc në drejtim të fshatit Koshare, ku nga ky aksident përveç dëmeve materiale lëndime të lehta trupore pëson pasagjerja [REDAKTUAR],-

-me të cilën ka kryer veprën penale rrezikim i trafikut publik nga neni 378 par. 6 lidhur me par. 1 të KPRK-së.

Prandaj gjykata në bazë të nenit 4,7,17,23,41,46 dhe 73 të KPRK-së si dhe nenit 495, të KPPK-së:

GJYKON

Të akuzuarin, me dënim me gjobë në shumë prej 200 (dyqind) €, të cilin dënim është i obliguar ta paguaj në afatin prej 30 ditësh nga dita e plotfuqishmërisë së aktgjykimit.

Në rast se dënimi me gjobë nuk mundë të ekzekutohet në format tjera sipas nenit 46 par. 3 të KPRK-së, i njëjti do të shndërrohet në dënim burgu ashtu që për çdo 20 euro, do të llogaritet 1(një) ditë burg.

Te dëmtuarit, [REDAKTUAR] dhe [REDAKTUAR] me vendbanim në fsh. [REDAKTUAR]
Komuna Shtime, për realizimin e kërkesës pasurore juridike e udhëzon në kontest civil.

Detyrohet i pandehuri që për kompensimin e Viktimave të Krimit ta paguaj shumën prej 30 € (tridhjetë euro), brenda afatit prej 30 ditësh nga dita e plotfuqishmërisë së këtij aktgjykimi.

Gjithashtu obligohet i pandehuri që në emër të paushallit gjyqësor të paguaj shumën prej 20 €, si dhe shpenzimet e procedurës penale në shumë prej 60.88 € (gjashtëdhjetë euro e tetëdhjetë e tetë cent) në afatin prej 30 ditësh nga dita e plotfuqishmërisë së aktgjykimit.

A r s y e t i m

Prokuroria Themelore në Ferizaj, me aktakuzën PP/II.nr.460-3/18 të datës 14.03.2018, ka akuzuar të akuzuarin [REDAKTUAR] për veprën penale rrezikim i trafikut publik nga neni 378 par. 6 lidhur me par. 1 të KPRK-së, dhe ka ushtruar kërkesë për dhënien e urdhrit ndëshkimor PP/II.nr.460-3/18 të datës 14.03.2018, me arsyetim se ka prova të mjaftueshme dhe të besueshme nga kallëzimi penal që vërtetojnë kryerjen e kësaj vepre penale nga i akuzuari.

Gjykata gjatë shqyrtimit paraprak të aktakuzës dhe kërkesës për dhënien e urdhrit ndëshkimor gjeti se janë plotësuar kushtet ligjore për aprovimin e kërkesës për dhënien e urdhrit ndëshkimor, në vështrim të nenit 495 par 1. të KPPK-së.

Gjykata pasi shqyrtoj provat materiale të bashkangjitura në shkresat e lëndës si: konstatimi i ekspertit mjeko ligjor Prof. Ass. Dr. [REDAKTUAR] e datës 20.02.2018, konstatimi dhe mendimi i ekspertit të komunikacionit rrugor MSc. [REDAKTUAR] e datës 02.03.2018, skica dhe fotografitë e vendit të ngjarjes-aksidentit të komunikacionit të cilat gjenden në shkresat e lëndës, vërtetojnë se këto prova janë bindëse dhe të bazuara dhe njëkohësisht vërtetojnë se i akuzuari e ka kryer veprën penale për të cilën akuzohet, andaj gjykata të njëjtin e shpalli fajtor dhe i shqipton dënimin me gjobë si në dispozitiv të këtij aktgjykimi.

Vendimi për Kompensimin e Viktimave të Krimit është marrë konform nenit 39 par. 3 pika 3.1, Nr. 05/L-036 të Ligjit për Kompensimin e Viktimave të Krimit.

Vendimi mbi udhëzimin e realizimit të kërkesës pasurore-juridike është marrë në kuptim të nenit 463 par. 1 dhe 2 të KPPRK-së.

Konform nenit 450 dhe 451 të KPPK-së gjithashtu obligohet i pandehuri që në emër të paushallit gjyqësor të paguaj shumen prej 20 € si dhe në emër të shpenzime procedurale shumën prej 60.88 €, në afatin prej 30 ditësh nga dita e plotfuqishmërisë së aktgjykimit.


Nga arsyet e sipër cekura, u vendos si në dispozitiv të këtij aktgjykimi.

GJYKATA THEMELORE NË FERIZAJ

P.nr.399/18, me datë 08.05.2018

**Zyrtarja ligjore
Ganimete Avdiu**

**Gjyqtarja Individuale
Hakile Ilazi**



KËSHILLË JURIDIKE:

Kudër këtij aktgjykimi mund të ushtrohet kundërshtim në afatin prej 8 ditësh, nga dita e pranimi të aktgjykimit të njëjtës gjykatë.